

AGENDRE FEMASO YESU MINGGU 15 MEI 2022

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
- SA** : Ya'ami banua Zo'aya, No oi owulo ita oi faondra ba wa'owuawua dödö, me no Maoso Zo'aya ya'ita Yesu Keriso moroi ba ngai zi mate. Andrö, ba döi Yesu ma'owai Ami : Ya'ahowu, no maoso Keriso.
- SATO** : Ya'ahowu !
- SA** : Keriso So'aya, no maoso Keriso
- SATO** : Duhu, no maoso Keriso.
- SA** : Ya faofao khömi Lowalangi...
- SATO** : Ya fao Khöu Geheha-Nia
- Fogaoni** :
- SA** : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 23**

23. MI' ANUNÖ OMASI LOWALANGI 1

do = a 3/4

MM = 88 - 96

1. Mi ' anunö omasi Lowalangi,
Wamondrongo fanunö-nunö ndraono,
Mi ' anunö, mi ' anunö.
2. Terongo li, irugi misiya'wa,
ba zorugo, wamosumange Ama.
Sanolo ae, sanolo ae.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....
- SATO** : YADUHU
- SA** : Ba na lö mususugi Keriso, ba si lö boto wamatimi andrö, ba lö si tebulö ami ba horömi; Ba iada'e, ba no mususugi Keriso, moroi ba ngai zi mate. HALELUYA.....
- SA** : **Manunö** : BZ. : 452
HALELUYA....HALEYA.... HALELUYA.....
- SA** : Mangandrö ita :
He Yesu Keriso So'aya ya'aga, Sangorifi ösi gulidanö andre. Ma'andrö saohagölö khö-U me no Ölawä wa'abölö horö ba fa'amate ba wemaoso-Mö andrö. Iada'e lö sa'ae ata'u ndra'aga ba lumö wa'abölö wa'amate andrö, me no maoso Ndra'ugö ba wangorifi ya'aga. No alömö wa'amate andrö ba wemöna, No Ö'efa'ö ndra'aga ba wa'abölö zogömigömi ba no Ö'ohe ndra'aga ba haga. No Ö'efa'ö ndra'aga moroi ba wesu horö, irege tobali ndra'aga ono khö Lowalangi Ama. He Yesu Keriso no Öfaogö ndra'aga ba wa'amate-Mö ba tesusugi göi ndra'aga ba we maoso-Mö andrö, ma'andrö khö-U böi bulö'ö khöma howuhowu-Mö, me Ya'ugö zamatörö banua si yawa awö danö i'otarai da'e irugi ba zi lö aetu. Yaduhu. (Mudadao zato)

3. MANUNÖ moroi ba Mbuku Zinunö Numero 108

108. BÖI YA TA' OLIFUGÖ ITA ¹

do = d 3/4

MM 88 - 96

1. Böi ya ta' olifugö ita, zi no Itaögö So' aya.
Awö fefu wamakao - Nia, irugi yaŵa ba röfa.
No börö ita wa Ilu' i, wa' afökhö, fango' aya.
Afu tobali ono ita, sanema ondröita Nama
2. He Yesu, ha mabe' e sulö, mbualala fa' omasi-Mö.
He oi malulu zi so khöma, tebai sa tobali sulö.
Ya' e mboto fao gera' era, ba tödöma si ta' unö.
Ya Öbohouni ia do-Mö, fa tobali sumange-Mö.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **Sinunö 68:1-7**

1. Khö duka wanunö andrö; khö Dawido; sinunö; umanö.
2. Ya maoso Lowalangi, ya zumaewe zi fa'udu khönia, ya moloi zi fatiu tödö khönia.
3. Si mane simbo ba nangi, ya si manö wamoloimö ya'ira; si máne sigusigu, salau ba galitö, wa'adudu zebua horö, föna Lowalangi.
4. Ba somuso tödö zatulö andrö, sowuawua tödö tánö föna Lowalangi, ba sa'iki ba wa'omuso dödö andrö.
5. Misuno Lowalangi, midunödunö döinia andrö; mifolala zanörö benua andrö; Yehowa döinia. Ba mi'owuawua'ö dödömi tánö fönania!
6. Ama zi lö ama, si lö ina, ia, Lowalangi, ba nabiania ni'amoni'ö andrö.
7. Lowalangi, samaigi omo ba zi lö omo; sangefa'ö nikuru, solohe ba wa'ohahau dödö; ba si lö molo'ö li, ba ba danö si mate so nahiara.

Simanö daroma Li Lowalangi, da tatema'ö faoma sinunö: BZ.Numero 114: 1

114. NO MAOSO YESU SO'AYA ¹

do = f 4/4

MM = 96 - 104

1. No maoso Yesu So'aya, lewatö no Iröi.
Umbu wa'auri sa Ia, ba sangorifi göi ba sangorifi göi

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He So'aya ya'aga Yesu Keriso si mate ba röfa ba hili Gologata, ba si no maoso bangai zi mate. Faduhu dödöma ba daroma Li-Mö me Öwa'ö: " Ya'odo wemaoso ba fa'auri, samati khö-Gu, ba auri, hewa'ae mate ia." Ba hiza, ba lala wa'aurima seroma'ökhö asese ma'ositengagö ba ma'osilö'ögö Ndra'ugö So'aya, me ma'o'önifakhoi dödöma samösa. Bologö dödö-U khöma, ba be'e aefa khöma horöma andrö. Hakhösi dödö-U khöma So'aya, böi tehe tekiko, törötörö tödö-U wa'ebua dödö-U Awö wa'ahakhö dödö-U khöma. Böi bulö'ö ndra'aga moroi ba wa'omasi ba ba Wangorifi andrö si no Öhönagö ba zamati khö-U.....

SATO : Mangandrö ba dödö zamösana föna Lowalangi.....1 irugi 2 meniti.

¹ Note : Nikolaus Herman 1554

- SA** : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.
- SATO** : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : “ Imane taroma Li Lowalangi : Ba no erege dödö-Gu öbe'e ba horöu andrö; no öfakao-Do olalöwamö. Ya'o, Ya'odo andre zamunu lalöu andrö, börö ndra'o, ba lö'ö sa'ae itörö tödö-Gu horöu. LAKHÖMI KHÖ LOWALANGI SI YAWA.....

- SATO** : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

7. FOMBASO TAROMA LI LOWALANGI NIBASO FÖNA HUHUUO (AB)

- SA** : Da tafondrondrongo daroma Li Lowalangi tehalö moroi ba zura **Fama'ele'ö 4:8-11**

8. Ba ba zaliwaliwa ba danö andrö si öfa nga'eu, ba önö gafi zageu, ba no afönu ira hörö, fasui, ba mibakha, ba lö labatobato bongi ma'ökhö, lamane: Ni'amoni'ö, ni'amoni'ö, ni'amoni'ö Zo'aya, Lowalangi, samatörö fefu hadia ia, si no so föna, ba si so iada'e, ba si moi dania!
9. Ba ero na labe'e saliwaliwa ba danö lakhömi ba sumange ba fangandrö saoha gölö, ba zidadao andrö, ba dadaoma, sauri, irugi zi lö aetu,
10. ba latuhi danö satua andrö, si dua wulu a öfa, föna zidadao andrö, ba dadaoma andrö, mangalulu ira, khö zauri andrö, irugi zi lö aetu, ba latou'ö tou dakulara no mege, föna dadaoma, ba lamane:
11. No si nangea manema ndra'ugö lakhömi ba sumange ba fa'abölö, ya'ugö So'aya ya'aga, Lowalangima, me no ya'ugö zamazökhi fefu hadia ia, ba börö nilau dödöu, wa so ia, awö wa tefazökhi ia.

Ya'ahowu zamondrongo taroma Li Lowalangi ba Same badödö...

- SA+SATO** : Yaduhu

8. FASÖMBATA

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu Sifao fangowuloi ame'ela sanandrosa ba PHBG. Ba si föföna ua da tafondrondrongo Li Lowalangi me imane:

- ❖ Ba da'ö niwa'ö-Gu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi dödö zamösana; böi abu dödö, ba tenga ni forege; si no aoha gölö fame'e, da'ö sa zomasi Lowalangi. (II Korindro 9:6-7)

Tafa'ema wasömbata khö Lowalangi, manunö ita moroi ba Mbuku Zinunö **Numero 110**

110. TASUNO YESU, SI NO MAOSO

Lala : Na Hönö Mbawagu Ena' ö (no. 4)

4

do = f 4/4

MM = 96 – 104

1. Tasuno Yesu, si no maoso, same ' e khöda femöna
Kurunga horö no terasa, fa ' amate no te ' ala.
Ba fa ' abölö gafökha, no oi ilawa So ' aya.
2. Tasuno Yesu, si no maoso, si möna ba sebua töi.
No Ya' ia gumbu wa' auri, Ibe' e fa' aurida göi.
Da' ö gurakha zamati, sanau' ölö si lö faröi.
3. Tasuno Yesu, si no maoso, sanusugi ya' ita göi.
He mate taröi gulidanö, ba Yesu zanusugi zui.
Toröi nahia wa' obou, möi ba wa' auri si bohau.
4. Tasuno Yesu, sondrorogö, sangohahau' ö tödöda.
Me Ya' ia zanga' aro' ö, famati ba fanötöna.
Ya böi mangiwa dödöda, irugi ba gamozua.
5. Tasuno Yesu, sama' ema, ondröita so' ahonoa.
Si lö irai mila ba niha, ni' asiwai Yesu khöda.
Da taforege wangalui, afu manema ita göi.
6. Tasuno Yesu si no maoso, sebua ba solakhömi.
Ya' ia Wondrege Zalawa ba Kubalo si lö faröi.
Ha Ya' ia tatöngöni ba zi sandrohu fekoli.

SA

:

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....

Manunö ita moroi ba Mbuku Zinunö numero 261

261. YA'E ZUMANGE ²

do = d 4/4

MM = 62 – 68

Ira'alawe

1. Ya ' e zu-ma-nge fa-sömbata, ma ' o-he sumange Yehowa.

Iramatua

Reff :Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff : Ma'andrö khö-U

3. Ya'e zumange fasömbata buala si'otarai Nama.

Reff : Ma'andrö khö-U

4. Ya'e zumange fasömbata, boto, noso, ba fa'aurima

Reff : Ma'andrö khö-U

5. Ya'e zumange fasömbata, lö irugi zomasi dödö-U.

Reff : Ma'andrö khö-U

6. Ya'e zumange fasömbata, ma'aohasi gölö Zo'aya.

Reff : Ma'andrö khö-U

FANGANDRÖ :

(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni' owuloi andrö) **Mudadao Zato**

9. KOOR/VOKAL GROUP

SA

:

Da tafaogö dödöda ba wanuno Lowalangi faoma sinunö ni' olohesi:

Koor ba Vokal Group

a. Koor Jemaat

b. Kegiatan Sektor 3 (Koor/Vokal Grup)

- c. Vokal Grup Kom.Bapak
- d. Kegiatan Komisi Remaja dan Pemuda (KOREMPA)
- e.

**10. MANUNÖ
SA**

- : Da tafa'anö dödöda wamondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

**11. HUHUAO SEBUA
SH**

- : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi **II Moze 15:19-21 (Tuho:Mi'anunö khö Yehowa)**
 - b. Fanuriaigö
 - c. Nitanö ba dödö. **II Moze 15:21b (Mi'anunö khö Yehowa, me no Salawa sebua-Ia)**
 - d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

do = es 4/4

MM = 96 - 104

1. No mafondrongo li-U, Lowalangi So ' aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

**12. TUHO WAMATI
SA**

- : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 271**

271. AWAI ZAŴATÖDA 1

do = g 4/4

MM = 96 - 104

1. Awai zaŵatöda ha Yesu manö.
Tabe ' e ba dödö li - Nia andrö.
2. Lö nasa ya' ita ba gulidanö.
Me Itehe mate ba röfa andrö.

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **112. BÖI AEFA' AEFA BA DÖDÖDA**
Lala : Ba wemaoso Yesu Keriso (No. 111)

SH : Ya'ahowu

SATO : YA'AHOWU